

衡山縣志卷二十二

驛傳志

命國之大務也或絲綸而出之或奏疏而入之或大小臣工相與旁午而關白之薄海內外咸歸版圖瞬息之間從衡千里此雖章亥步鐵杖走有不能捷足應者其惟驛馬乎且夫馬之能千里者古今有幾哉不能馬馬千里之自當驛驛常馬之馳驟以騁十常馬可抵一千里衡山亦衝衝謹詳驛傳於左

衡山縣志

卷之二十二

驛傳

一

黃堡驛在縣城北門內典史署左南至衡陽臨蒸驛一百里北至長沙府湘潭縣黃茅驛九十里原額驛馬六十四馬夫三十名康熙二十四年奉文裁馬十四馬夫五名四十七年抽調馬七匹馬夫三名半雍正七年抽調馬四匹馬夫二名乾隆二年抽調馬四匹馬夫二名乾隆二十四年抽調馬十五匹馬夫七名半乾隆四十一年抽調馬一匹馬夫半名乾隆五十年抽調馬二匹馬夫一名現今實在馬十七匹歲支草料銀三百兩零九錢

藥餌銀十六兩七錢一分五釐零馬夫八名半茂
支工食銀六十兩零一錢八分獸醫一名歲支工
食銀五兩七錢六分
原額排夫七十名康熙四十七年抽調夫十名雍
正五年裁夫十名雍正七年抽調夫五名乾隆二
年抽調夫二名現在實設排夫四十三名歲支銀
三百零四兩四錢四分
又額馬十七匹每年准開銷倒馬六匹八分除皮
臟變價外應領銀八十八兩四錢如數赴

衡山縣志

卷之二十二

驛傳

二

藩庫請領買補

添修棚廠槽斲歲領銀二十三兩玖錢三分一釐
以上夫馬工料醫藥及馬價棚廠等共銀八百兩
零三錢二分六釐一毫七絲八忽六微除請領馬
價棚廠銀一百一十二兩三錢三分一釐外實坐
支江濟驛站銀六百八十七兩九錢九分五釐
皇華驛邑舊志明初置皇華驛成化十年遷置水
驛後裁

黃堡驛舊在縣北九十里入湘潭界係改霞流水

驛安設其經費額以安仁協濟爲衡山安仁湘潭
公遞明萬歷間以地境遙隔協濟不時改爲徑遞
本朝設驛丞一員雍正間裁歸縣轄其夫馬往來俱
於縣中交卸

腰站上路設在賀家山下路設在界牌山各設馬
二匹在額馬十七匹內

驛馬厰舊在通津門內後移建官署左旁當

文廟之前乾隆八年闔邑紳士等呈請遷建於北門
內察院司行署舊址

衡山縣志

卷之二十二

驛傳

三

凡馬厰十間馬王廟一進三楹書役獸醫房二間
又葛志賦役條內夫馬一條云衡山夫馬之繁雖
無異於湘潭衡陽而衡山地瘠而民貧夫馬之應
付則一以貧民應繁役此所以較之湘潭衡陽爲
更苦也自明萬歷以來凡數變明神宗初憫天下
驛傳之苦時江陵相公當國加意釐革禁例申嚴
惟奉勅者得用所過地方夫馬本省撫按三司官
得用本省地方夫馬出本省則自行顧募有朝覲
官遣牌馳驛者卽以違旨忝處吳道南等十一人

嘗隨皇親詣武當祈嗣亦不敢乘傳往來皆宿食旅店其禁例如此則當時衡山夫馬之得以休息可知自江陵張公歿而禁例弛矣禁例弛而差馬益繁於是衡山紛紛始僉報馬戶矣馬夫率市獯無賴者克之馬有官價又有私幫私幫入則隨手蠅飛僅以一二款段應差差急則塗其門而竄差過則出而索私幫加增不厭其欲不止自是緣以爲例久而滋甚每當年里遞走馬一匹而私幫無算致破家析產毒遍井里而馬政殆不勝弊慶遠

董侯其英治衡親擇人之可任馬戶者使承之議以一歲一馬幾十差而馬稍息然終不能禁牌票之不濫也差使之不橫也有票外帶馬三四匹者有一引一坐包重二三百斤置石塊雜物其中馬不能勝且用夫三四人舁之而去更索惜馬錢一二兩不等者馬政之苦尙忍言哉

清興順治十二年經畧部洪偏沅撫院袁始議驛馬官餵官走禁革重幫而夙弊頓除民困始蘇乃衡山雖有安仁各縣協濟而措解不時順治十三年

又奉偏沅撫院袁於本年二月內具題湖南驛遞
馬貴郵傳續命無資等事一案將本縣起解正項
扣兌別縣協濟部覆奉

旨准兌事實兩刊

衡山縣志

卷之二十三

附錄

五